

顾善夫书金刚经

中

国

墨

迹

经

典



上海书画出版社

J292
G549

中国墨迹经典

顾善夫书金刚经

上海书画出版社

责任编辑 庄新兴
封面设计 王 峥
技术编辑 杨关麟

顾善夫书金刚经

上海书画出版社 出版发行

地址: 上海市钦州南路 81 号

邮编: 200235

网址: www.duoyunxuan-sh.com

E-mail: shcpsh@online.sh.cn

上海丽佳制版印刷有限公司制作

各地新华书店经销

开本: 890 × 1240 1/16

印张: 1.25 印数: 1-5,000

2002 年 6 月第 1 版 2002 年 6 月第 1 次印刷

ISBN 7-80672-328-5/J · 288

定价: 10.00 元

《顾善夫书金刚经》简介

在中国书法史上能以书而驰名者，代不过数十人而已，至于大家则更是寥若晨星，所谓『大家』，即开宗立派者也，若魏之鍾繇，晋之二王，唐之欧、虞、褚、颜、柳、旭、素，宋之四家、元之赵孟頫、明之祝允明、文徵明、董其昌等，况中国后代无不是字以人贵，当人们将注意力都集中在这几位大家身上时，往往忽略了那些名不见经传的人物，他们的作品在历史的长河中受到冷落，近百年来，敦煌石室中发现大量的写经以及出土的简帛、残纸、墓志、砖铭等虽出于无名氏之手，但这些原始的、初创的、富有趣味的、率真的、面目各异的作品在当今书坛中逐渐焕发出熠熠之光芒，并受到人们的青睐，于是碑学、帖学与民间书法三驾齐驱，成为学书之三大原料，而这一些都有赖于近现代印刷术的发达，致使信息的高度流通。当人们纵横博览，雄视古今时，又逐渐将眼光转向一些历史上比较冷僻的书法家作品，试图在这块未曾被开发过的审美领域内有所收获，这无疑是一种明智之举，本册所载元顾善夫书小楷金刚经就是一册鲜为人知的优秀作品。

顾善夫，是活跃在元代大德年间的一个书家，名信，字善夫，晚号乐善处士，昆山（今江苏昆山）人。元大德初为浙江军器提举。明李日华《六研斋笔记》谓：『信以能书称，从赵文敏公游，得其书，必镌于石，作亭匾曰『墨妙』，晚年号乐善处士。』关于顾善夫的书法史料中很少有记载，马宗霍《书林藻鉴》亦未辑录，故无从考证其书之来龙去脉，但从此册小楷来看，无疑他受到同时代赵孟頫的影响。册后题曰：『皇庆三年

春正月上浣之吉三教弟子顾善夫施于建业西湖之宝莲禅院。』皇庆三年为一三一四年，相距他在大德初为浙江军器提举已有十六七年，当为他晚年时为宝莲禅院所书。此卷小楷写在染色绢上，以乌丝栏打直格，通幅写得一丝不苟，点画清峻峭拔，结字于平正之中饶具姿态，显得平正而不板滞，无一懈怠之笔，想见作者在写此卷小楷时心无尘翳，指有余闲，而以虔诚之心，凝注精神于字里行间，故能首尾贯注，一气呵成。唐代有经生书，即一些以专门从事抄经为职业的书手，而历代文人墨客亦有信奉佛教偶尔抄写佛经以为功德者，前者抄经都有一定的模式，而后者则比较写意，这是二者之间的微妙差别，此卷小楷与唐人经生书迥异，更有一种文人的书卷之气溢出字里行间，因此在书写中更注重个性的抒发，无疑此卷作品当为历代写经中的精品。今影印出版，或可为有志于小楷的书法爱好者参考赏习。

金剛般若波羅蜜經

如是我聞一時佛在舍衛國祇樹給孤獨園與大比丘衆千二百五十人俱爾時世尊食時著衣持鉢入舍衛大城乞食於其城中次第乞已還至本處飯食訖收衣鉢洗足已敷座而坐時長老須菩提在大衆中即從座起偏袒右肩右膝着地合掌恭敬而白佛言希有世尊如來善護念諸菩薩付囑諸菩薩世尊善男子善女人發阿耨多羅三藐三菩提心應云何住云何降伏其心佛言善哉善哉如汝所說須菩提如來善護念諸菩薩付囑諸菩薩汝金諦聽當為汝說善男子善女人發阿耨多羅三藐三菩提心應如是住如是降伏其心唯然世尊願樂欲聞佛告須菩提諸菩薩摩訶薩應如是降伏其心所有一切衆生之類若卵生若胎生若濕生若化生若有色若無色若有想若無想若非有想非無想我皆令入無餘涅槃而滅度之如是滅度無量無數無邊衆生實無衆生得滅度者何以故須菩提若菩薩有我相人相衆生相壽者相即非菩薩復次須菩提菩薩於法應無所住行於布施所謂不住色布施不住聲香味觸法布施須菩提菩薩應如是布施不住於相何以故若菩薩不住相布施其福德不可思量須菩提於

意云何東方虛空可思量不也世尊須菩提南西北方四維上
下虛空可思量不也世尊須菩提菩薩無住相布施福德亦復
如是不可思量須菩提菩薩但應如所教住須菩提於意云何可
以身相見如來不也世尊不可以身相得見如來何以故如來
所說身相即非身相佛告須菩提凡所有相皆是虛妄若見諸相
非相即見如來須菩提白佛言世尊頗有衆生得聞如是言說章
句三寶言不佛告須菩提莫作是說如來滅後後五百歲有持戒
脩福者於此章句能生信心以此為寶當知是不於一佛二佛
三四五佛而種善根已於無量千萬佛所種諸善根聞是章句乃
至一念生淨信者須菩提如來悉知悉見是諸衆生得如是無量
福德何以故是諸衆生無復我相人相衆生相壽者相無法相亦
無非法相何以故是諸衆生若心取相則為着我人衆生壽者若
取法相即着我人衆生壽者何以故若取非法相即着我人衆生
壽者是故不應取法不應取非法以是義故如來常說汝等比丘
知我說法如筏喻者法尚應捨何況非法須菩提於意云何如來
得阿耨多羅三藐三菩提耶如來有所說法耶須菩提言如我解
佛所說義無有定法名阿耨多羅三藐三菩提亦無有定法如來
可說何以故如來所說法皆不可取不可說非法非非法所以者

何一切聖賢皆以無為法而有差別須菩提於意云何若人滿三千大千世界七寶以用布施是人所得福德寧為多不須菩提言甚多世尊何以故是福德即非福德性是故如來說福德多若復有人於此經中受持乃至四句偈為他人說其福勝彼何以故須菩提一切諸佛及諸佛阿耨多羅三藐三菩提法皆從此經出須菩提所謂佛法者即非佛法須菩提於意云何須陀洹能作是念我得須陀洹果不須菩提言不也世尊須陀洹名為入流而無所不入也聲香味觸法是名須陀洹須菩提於意云何斯陀含能作是念我得斯陀含果不須菩提言不也世尊何以故斯陀含名往來而實無往來是名斯陀含須菩提於意云何阿那含能作是念我得阿那含果不須菩提言不也世尊何以故阿那含名為不來而實無來是故名阿那含須菩提於意云何阿羅漢能作是念我得阿羅漢道不須菩提言不也世尊何以故實無有法名阿羅漢世尊若阿羅漢作是念我得阿羅漢道則為著我人眾生壽者世尊佛說我得無諍三昧人中最為第一是第一離欲阿羅漢世尊我不作是念是離欲阿羅漢世尊我若作是念我得阿羅漢道世尊則不說須菩提是樂阿蘭那行者以須菩提實無所行而名須菩提是樂阿蘭那行佛告須菩提於意云何如來昔在然燈佛所

於法有所得不不也世尊如來在然燈佛所於法實無所得須菩
提於意云何菩薩莊嚴佛土不不也世尊何以故莊嚴佛土者即
非莊嚴是名莊嚴是故須菩提諸菩薩摩訶薩應如是生清淨心
不應住色生不應住聲香味觸法生心應無所住而生其心須菩
提譬如有人身如須彌山王於意云何是身為大不須菩提言甚
大世尊何以故佛說非身是為大身須菩提如恒河中所有沙數
有如是沙等恒河於意云何是諸恒河沙寧為多不須菩提言甚
多世尊但諸恒河尚多無數何況其沙須菩提我今實言告汝若
有善男子善女人以七寶滿尔所恒河沙數三千大千世界以用
布施得福多不須菩提言甚多世尊佛告須菩提若善男子善女
人於此經中乃至受持四句偈等為
法
人阿脩羅皆應供養如佛塔廟何況有人盡能受持讀誦須菩提
當知是人成就最上第一希有之法若是經典所在之處則為有
佛若尊重弟子尔時須菩提白佛言世尊當何名此經我等云何
奉持佛告須菩提是經名為金剛般若波羅蜜以是名字汝當奉
持所以者何須菩提佛說般若波羅蜜即非般若波羅蜜是名般
若波羅蜜須菩提於意云何如來有所說法不須菩提白佛言世

尊如來無所說須菩提於意云何三千大千世界所有微塵是為
多不須菩提言甚多世尊須菩提諸微塵如來說非微塵是名微
塵如來說世界非世界是名世界須菩提於意云何可以三十二
相凡如來不不也世尊不可以三十二相得見如來何以故如來
說三十二相即是非相是名三十二相須菩提若有善男子善女
人以恒河沙等身命布施若復有人於此經中乃至受持四句偈
等為他人說其福甚多爾時須菩提聞說是經深解義趣涕淚悲
泣而白佛言希有世尊佛說如是甚深經典我從昔來所得慧眼
未曾得聞如是之經世尊若復有人得聞如是之經信心清淨則
生實相當知是人成就第一希有功德世尊是實相者即非實相
是故如來說名實相世尊我今得聞如是經典信解受持不足為
難若當來世後五百歲其有衆生得聞是經信解受持則為第一
希有何以故此人無我相人相衆生相壽者相所以者何我相即
是非相人相衆生相壽者相即是非相何以故離一切諸相則名
諸佛佛告須菩提如是如是若復有人得聞是經不驚不怖不畏
當知是人甚為希有何以故須菩提如來說第一波羅蜜蜜非第
一波羅蜜蜜是名第一波羅蜜蜜須菩提忍辱波羅蜜如來說非忍
辱波羅蜜何以故須菩提如我昔為歌利王割截身體我於爾時

無我相無人相無衆生相無壽者相何以故我於往昔節節支解
時若有我相人相衆生相壽者相應生瞋恨須菩提又念過去於
五百世作忍辱仙人於爾所世無我相無人相無衆生相無壽者
相是故須菩提菩薩應離一切相發阿耨多羅三藐三菩提心不
應住色生心不應住聲香味觸法生心應生無所住心若心有住
則為非住是故佛說菩薩心不應住色布施須菩提菩薩為利益
一切衆生應如是布施如來說一切諸相即是非相又說一切衆
生即非衆生須菩提如來是真語者實語者如語者不誑語者不
異語者須菩提如來所得法此法無實無虛須菩提若菩薩心住
於法而行布施如人入暗則無所見若菩薩心不住相而行布施
如人有目日光明照見種種色須菩提當來之世若有善男子善
女人能於此經受持讀誦則為如來以佛智慧悉知是人悉見是
人皆得成就無量無邊功德須菩提若有善男子善女人初日分
以恒河沙等身布施中日分復以恒河沙等身布施後日分亦以
恒河沙等身布施若復有人聞此經典信心不逆其福勝彼何況
書寫受持讀誦為人解說須菩提以要言之是經有不可思議不
可稱量無邊功德如來為發大乘者說為發最上乘者說若有人
能受持讀誦廣為人說如來悉知是人悉見是人皆得成就不可

量不可稱無有邊不可思議功德如是人等則為荷擔如來阿耨
多羅三藐三菩提何以故須菩提若樂小法者著我見人見衆生
見壽者見則於此經不能聽受讀誦為人解說須菩提在在處處
若有此經一切世間天人阿脩羅所應供養當知此處則為是塔
皆應恭敬作禮圍繞以諸華香而散其處復次須菩提若善男子
善女人受持讀誦此經若為人輕賤是人先世罪業應墮惡道以
今世人輕賤故先世罪業則為消滅當得阿耨多羅三藐三菩提
須菩提我念過去無量阿僧祇劫於然燈佛前得值八百四千萬
億那由他諸佛悉皆供養承事無空過者若復有人於後末世能
受持讀誦此經所得功德勝於我所供養諸佛功德百分不及一百
千萬億分乃至算數譬喻所不能及須菩提若有善男子善女人
於後末世有受持讀誦此經所得功德我若具說者或有人聞心
則狂亂狐疑不信須菩提當知是經義不可思議果報亦不可思
議爾時須菩提白佛言世尊善男子善女人發阿耨多羅三藐三
菩提心云何應住云何降伏其心佛告須菩提若有人發阿耨多
羅三藐三菩提心者當生如是心我應滅度一切衆生滅度一切
衆生已而無有一衆生實滅度者何以故須菩提若菩薩有我相
人相衆生相壽者相即非菩薩所以者何須菩提實無有法發阿

轉多羅三藐三菩提心者須菩提於意云何如來於然燈佛所有
法得阿耨多羅三藐三菩提是不不也世尊如我解佛所說義佛於
然燈佛所無有法得阿耨多羅三藐三菩提佛言如是如是須菩
提實無有法如來得阿耨多羅三藐三菩提須菩提若有法如來
得阿耨多羅三藐三菩提者然燈佛則不與我授記汝於來世當
得作佛号釋迦牟尼以實無有法得阿耨多羅三藐三菩提是故
然燈佛與我授記作是言汝於來世當得作佛号釋迦牟尼何以
故如來者即諸法如義若有人言如來得阿耨多羅三藐三菩提
實無有法佛得阿耨多羅三藐三菩提須菩提如來所得阿耨多
羅三藐三菩提於是中無實無虛是故如來說一切法皆是佛法
須菩提所言一切法者即非一切法是故名一切法須菩提譬如
人身長大須菩提言世尊如來說人身長大則為非大身是名大
身須菩提菩提薩亦如是若作是言我當滅度無量衆生則不名
菩薩何以故須菩提實無有法名為菩薩是故佛說一切法無我
無人無衆生無壽者須菩提若菩薩作是言我當莊嚴佛土是不
名菩薩何以故如來說莊嚴佛土者即非莊嚴是名莊嚴須菩提
若菩薩通達無我法者如來說名真是菩薩須菩提於意云何如
來有肉眼不如是世尊如來有肉眼須菩提於意云何如來有天

眼不如是世尊如來有天眼須菩提於意云何如來有慧眼不如
是世尊如來有慧眼須菩提於意云何如來有法眼不如是世尊
如來有法眼須菩提於意云何如來有佛眼不如是世尊如來有
佛眼須菩提於意云何恒河中所有沙佛說是沙不如是世尊如
來說是沙須菩提於意云何如一恒河中所有沙有如是沙等恒
河是諸恒河所有沙數佛世界如是寧為多不甚多世尊佛告須
菩提爾所國土中所有眾生若干種心如來悉知何以故如來說
諸心皆為非心是名為心所以者何須菩提過去心不可得現在
心不可得未來心不可得須菩提於意云何若有人滿三千大千
世界七寶以用布施是以是因緣得福多不如是世尊此人以
是因緣得福甚多須菩提若福德有實如來不說得福德多以福
德無故如來說得福德多須菩提於意云何佛可以具足色身見
不不也世尊如來不應以具足色身見何以故如來說具足色身
即非具足色身是名具足色身須菩提於意云何如來可以具足
諸相見不不也世尊如來不應以具足諸相見何以故如來說諸
相具足即非具足是名諸相具足須菩提汝勿謂如來作是念我
當有所說法莫作是念何以故若人言如來有所說法即為誑佛
不能解我所說故須菩提說法者無法可說是名說法爾時慧命

須菩提白佛言世尊頗有衆生於未來世聞說是法生信心不佛
言須菩提彼非衆生非不衆生何以故須菩提衆生衆生者如來
說非衆生是名衆生須菩提白佛言世尊佛得阿耨多羅三藐三
菩提爲無所得耶佛言如是如是是我於阿耨多羅三藐三菩提乃
至無有少法可得是名阿耨多羅三藐三菩提復次須菩提是法
平等無有高下是名阿耨多羅三藐三菩提以無我無人無衆生
無壽者脩一切善法則得阿耨多羅三藐三菩提須菩提所言善
法者如來說非善法是名善法須菩提若三千大千世界中所有
諸須彌山王如是等七寶聚有人持用布施若人以此般若波羅
蜜經乃至四句偈等受持讀誦爲他人說於前福德百分不及一
百千萬億分乃至算數譬喻所不能及須菩提於意云何汝等勿
謂如來作是念我當度衆生須菩提莫作是念實無有衆生如來
度者若有衆生如來度者如來則有我人衆生壽者須菩提如來
說有我者即非有我而凡夫之人以爲有我須菩提凡夫者如來
說即非凡夫是名凡夫須菩提於意云何可以三十二相觀如來
不須菩提言如是如是以三十二相觀如來佛言須菩提若以三
十二相觀如來者轉輪聖王則是如來須菩提白佛言世尊如我
解佛所說義不應以三十二相觀如來爾時世尊而說偈言

若以色見我 以音聲求我 是人行邪道 不能見如來
須菩提汝若作是念如來不以具足相故得阿耨多羅三藐三菩
提須菩提莫作是念如來不以具足相故得阿耨多羅三藐三菩
提須菩提汝若作是念發阿耨多羅三藐三菩提心者說諸法斷
滅相莫作是念何以故發阿耨多羅三藐三菩提心者於法不說
斷滅相須菩提若菩薩以滿恒河沙等世界七寶持用布施若復
有人知一切法無我得成於忍此菩薩勝前菩薩所得功德何以
故須菩提以諸菩薩不受福德故須菩提白佛言世尊云何菩薩
不受福德須菩提菩薩所作福德不應貪著是故說不受福德須
菩提若有人言如來若來若去若坐若卧是不解我所說義何
以故如來者無所從來亦無所去故名如來須菩提若善男子善
女人以三千大千世界碎為微塵於意云何是微塵衆寧為多不
甚多世尊何以故若是微塵衆實有者佛則不說是微塵衆所以
者何佛說微塵衆則非微塵衆是名微塵衆世尊如來所說三千
大千世界則非世界是名世界何以故若世界實有者則是一合
相如來說一合相則非一合相是名一合相須菩提一合相者則
是不可說但凡夫之人貪著其事須菩提若人言佛說我見人見
衆生見壽者見須菩提於意云何是人解我所說義不也世尊

是人不能解如來所說義何以故世尊說我見人見衆生見壽者見
即非我見人見衆生見壽者見是非我見人見衆生見壽者見須
菩提發阿耨多羅三藐三菩提心者於一切法應如是知如是見
如是信解不生法相須菩提所言法相者如來說即非法相是名
法相須菩提若有人以滿無量阿僧祇世界七寶持用布施若有
善男子善女人發菩薩心者持於此經乃至四句偈等受持讀誦
為人演說其福勝彼云何為人演說不取於相如如不動何以故
一切有為法如夢幻泡影如露亦如電應作如是觀佛說是經已
長老須菩提及諸比丘比丘尼優婆塞優婆夷一切世間天人阿
脩羅聞佛所說皆大歡喜信受奉行

金剛般若波羅蜜經

平江路崑山善男子願善夫發心書寫金剛經以用布施者
蓋聞

佛法肇自西竺以大願力普度衆生若是般若一經則是釋
迦宗旨而三藏諸內典皆從此經出是知此經是最上乘第一
希有甚深經典是故世人一生淨信心即得無量福德如
恒河中沙數沙等恒河諸恒河中所有沙數不可思議但凡
夫之人或有違叛此經誑言非謗即是此人罪業當墮惡道